


T2665/8615B

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAR 5 1941



隆平集第十四卷

宋曾文定公編撰

南豐後學彭期訂

哈佛大學漢和  
圖書館珍藏印

侍從

樂黃目字公禮撫州宜黃人父史字子正母夢許真人令吞五色珠而生史史有文辭初仕江南歸朝再舉進士登甲科所至不修謹獲譴官至職方員外郎直史館卒有雜編六百九十餘卷自爲文百卷謂之仙洞集黃目淳化中登進士第深沈爲吏以靜勝飾

以文雅累擢知制誥給事中卒有文集五十卷雜編六十卷常與父史同在儒館人以爲榮子理國定國劉筠字子儀大名人咸平元年登進士第補館陶縣令代還詔楊億試選人校勘太清樓書籍筠中選第一累擢知制誥翰林學士常草下謂李廸罷相制旣又命筠草制復畱謂筠不奉詔乃更命晏殊爲之謂方用事筠遂請治郡以諫議大夫知廬州仁宗卽位復翰林學士以疾除禮部侍郎樞密直學士知棣州天聖五年復入翰林加承旨兼龍圖閣待制學士再

知廬州乃營塚墓自爲誌銘刻之卒年六十一子宗憲自景德以來居文翰之任惟筠與楊億齊名號爲楊劉筠三典貢舉以策論升降天下自筠始其爲人不苟合所著有七集

錢昆字裕之吳越國王侑之子隨俶歸朝諸從子皆授官獨昆及弟易願從科舉太宗嘉之淳化二年昆登進士第累官至諫議大夫以祕書監致仕卒年七十七子孟孫孟荀孟回昆喜爲詩賦又喜草隸書聞自畫寒蘆沙鳥於紈扇有幽雅之趣人競藏之有文

集十卷第易字希白十七舉進士御試三題日未中而就言者指其輕俊而黜之太宗常語蘇易簡歎不與李白同時對曰有進士錢易能爲歌詩不下李白上驚喜曰誠如是吾當白衣召至禁林會盜起劍南乃止咸平二年易登進士第甲科景德中舉賢良方正策入第四等累擢知制誥翰林學士卒年五十九易才俊過人爲文數千言頃刻而就又善行草書有金閨集六十卷瀛州集五十卷西垣集三十卷內制集二十卷壽雲總錄一百卷新書十卷子彥遠明逸

彥遠字子高以父任太廟齋郎至大理寺丞登進士第至太常博士舉賢良方正策入等授祠部員外郎遷起居舍人直集賢院卒年三十七子勰燮蘇父易弟明逸及彥遠皆中制舉世以爲盛彥遠屢上封事言事判司農寺因諸路奏大水彥遠言陰氣過盛在五行傳有下謀上之徵請嚴宮省宿衛未幾有挾刃理諺門者上善其奏特賜五品服蘇紳字儀甫泉州人天禧中登進士第初名慶民避章獻太后諱改今名官至太常博士舉賢良方正策

入等授祠部員外郎。屢上章。仁宗嘉納之。擢知制誥。翰林學士。諫官言紳舉進士馬端非其人。改龍圖閣學士。喪父服除。復翰林學士。言者又彈其急於進取。改翰林侍讀學士。知河陽。徙河中府。未行。感疾。醫者誤用藥。猶力疾杖之。卒。年四十八。子頌。袞。稅。堯。李行簡。字易從。同州人。少苦學。坐石誦六經。常至夜分。雖寒暑不渝。又聚木葉學書。筆法遒勁。舉進士。登第。累擢至龍圖閣待制。真宗數幸閣。命講易。因訪大臣能否行簡。必稱其所長。人以為長者。仁宗即位。進

給事中。以疾求外。知河中府。徙魏州。卒。年七十一。有集二十卷。子貺。閱。兢。元。晚。行簡端重。不妄交。一介不取。諸人雖善弈。人莫知者。諸子非冠帶。莫敢見。聚書萬卷。多其自錄。人謂之書樓。偶夢綠衣吏持簿至。公府自下。謂而下。皆錄其官壽。至行簡。云官議大夫。及疾。歎曰。官給事中。已踰分矣。馬亮。字叔明。其先茂陵人。自祖韜始。徙居廬州。太平興國五年。登進士第。屢除外官。咸平中。王均反。除西川轉運副使。改使賊平。召問蜀事。加直史館。復還部。

久之以右諫議大夫知廣州累遷至兵部侍郎仁宗  
卽位進至工部尚書以太子太保致仕卒年七十三  
贈右僕射諡忠肅子仲宣仲容仲卿仲謀仲甫亮有  
治才所至以能稱初置提點刑獄官亮領福建始訊  
冤獄全活者數十人知饒州有豪右白氏多持吏短  
長常殺人原赦益橫亮發其姦惡誅之部中肅然平  
王均主將誅戮不已亮救免者千數及械送註誤者  
僅九十八至京知樞密院周瑩欲盡誅之亮言脅從  
者甚衆此特百之一二若不貸之恐益危懼貽朝廷

憂從之任中執法請父祖未葬者不許析居以厚風  
教在蜀奏除廢井鹽逋二百餘萬真宗初政亮常上  
四事皆見施行其一言親王判開封府地尊勢重疑  
隙易構非保全親親之道皆取爲切務其餘督給軍  
賞趣除逋負及通邊好亦皆仁政之一端

原本賊平召問作賊  
召問平易下作御名

楊大雅字子政初名侃避真宗藩邸名而更之唐靖  
恭諸楊虞卿之後虞卿孫承休唐天祐初爲吳越策  
禮副使因家錢塘大雅承休四世孫也端拱二年登  
進士第久歷外官後與陳從易竝命爲知制誥二人

者皆博學有行義頗愜時論以右諫議大夫集賢院學士知亳州卒年六十九所著有太隱集三十卷西垣集五卷職林二十卷兩漢博聞十二卷子潛泳漸沈風

劉云類稿所次孫之翰行狀摹寫處極有精彩

孫甫字之翰許州人天聖五年同學究出身八年再舉登進士第常從杜衍辟永興軍司錄衍在樞密府又薦之除祕閣校理累擢天章閣待制河北都轉運使留侍講卒年六十贈右諫議大夫子宣寔寔著唐史書七十五卷文集七卷每言唐君臣行事以推見

當時治亂若身履其閒聞者釋然為正言嘗言張修媛寵恣恃恩用物之過上曰用物在省司吾恨不知耳保州兵變前有告者大臣不時發之甫力言樞密使借副當得罪指杜衍也邊將劉滬城水洛涇原帥尹洙以滬違節制將斬之大臣稍主洙議甫以謂水洛通秦渭為便滬不可罪由是罷洙而滬釋衍屢薦甫甫與洙素善不少假借之范仲淹知杭州多便宜行事甫為兩浙轉運使一切繩之以法

原本作告之無不時字從新編加指作使水並作永

司馬池字和中陝州夏縣人少好學推家財數十萬

與其諸父景德二年登進士第多歷外官累擢三司副使天章閣待制知杭州徙晉州卒年六十三子旦○至○性○所○感○光池常奏名禮部將入試殿廷一日心動不能寐曰吾母素多疾能無恙否及至內門徘徊不能入蓋母亡為友人所匿也因語其友而友止告以聞有疾池遂號慟而歸盛度謫守光州池為光山令大內火詔諸州市竹木州期以三日畢輸池以土不產轉市鄰郡非三日可得度怒甚既而光山為諸邑先池於民有信而民不俟於懲督也曹利用常薦為羣牧判官

池辭不就朝廷固授之其後利用貶其黨畏罪多從

問、原作用

而毀之獨池在朝明利用之枉朝廷卒不問除知諫

院表懇免上謂宰相曰人皆嗜進池獨嗜退也加○原作除

史館知鳳翔有疑獄上讞大理輒復下椽屬惶懼池

曰長吏者政事所係乃獨承其罪詔責之政陽鎮巡

檢夜飲富民家所部卒執之而俾為文約不敢復督

士卒而後釋其縛池捕首惡誅之巡檢亦坐廢為侍

御史知雜言陝西用兵無宿將劉平好自用必誤大

事卒如其言在杭州為轉運使江鈞張從革摺撫條



奏之未謫閒吏有盜官銀器為鈞償私費而從革之  
姻犯稅陰遣人私請或謂可以此報池獨不校

原本亦作  
入器作稱

張師德字尚賢河南人父去華建隆二年舉進士第  
一師德大中祥符閒復居第一時以為榮累擢知制  
誥諫議大夫知汝州卒年四十九子景仙景憲景思  
景惠師德孝謹有家法守道不回執政不悅在西掖  
者九年有集十卷

謝絳字希深太子賓客濤之子少以父任校書郎大  
中祥符八年登進士第屢歷省寺館閣擢知制誥久

之請補外知鄧州卒年四十六子景溫景平景回有

文集五十卷絳初為祕閣校理常上疏謂有宋當以

土德王天下下兩制議不從天聖初水旱蝗生河決

上疏據洪範京房易傳陳災異之變指切時政上嘉

納之又論唐室麗正史官之局竝在大明華清宮內

太宗肇修三館更立祕閣於昇龍門左親飛白題額

刻贊閣下景德中積書寔廣又益以內帑西庫二聖

新編有之字

常數臨幸親加勞問遞宿廣內有不時召人人力道

術究藝文知天子尊禮而名臣高位絲此選也往者

延燔簡編略盡。詔訪舊本。是正疑文。有司引兩省故事。別創外館。以從繕寫考校之便。直舍卑喧。大官衛尉。供擬滋削。陛下未常迂翠華。降玉趾。寂寥冊府。不聞輿馬之音。曠有日矣。議者以為慕道不篤於古。待士少損於前。士無延訪之勤。而不自激策。文雅漸弊。甚為聖朝惜也。願闕內館。以恢景德之制。從之。又言。號令數變。則虧體。利害偏聽。則惑聰。請者務於必行。守者患於不一。願罷內降。凡詔令。皆由中書密院。然後施行。因進聖治箴。曰。紹聖馭臣。內戒慎令。警變。凡

五篇

原本積作國上無作士庶闕作開

李仲容。字儀父。濟陰人。唐郇王禕十三世孫。祖濤。國初為兵部尚書。仲容少好學。咸平五年登進士第。累擢知制誥。時翰林學士員不足。眾謂當次補。而不為宰相所喜。乃罷知制誥。為給事中。集賢院學士。久之。除翰林侍讀學士。兼龍圖閣學士。官至戶部侍郎。卒。年七十。子景倫。景賢。景行。景仁。集制草為冠鳳集。十二卷。仲容性質醇易。喜讀書。善記問。賓至多命酒笑談。而不及勢利。

馮元字道宗三世爲僞漢日官父邴從劉鋹入朝爲  
保章正元少好學崔頤正孫奭授以五經大義祥符  
中登進士第會詔擇明經補學官自陳通五經謝泌  
領銓筮詰之曰古者治一經或至皓首子能盡通之  
耶對曰達者一以貫之泌善其對因問以疑義隨輒  
辨析遂以爲國子監講書仁宗陞儲擢太子右諭德  
卽位除龍圖閣直學士兼侍講又判國子監故事國  
子監必宿儒典領其後頗用貴游子弟委任與筮庫  
均及元與孫奭竝命輿議大服未幾爲龍圖閣學士

翰林學士護葬章懿太后於洪福院及葬永定陵發  
壙中有水罷爲龍圖閣學士知河陽宰相王曾言元  
東朝舊臣不宜以細故棄外卽名爲翰林侍讀學士  
遷戶部侍郎卒年六十三贈尚書諡章靖無子以兄  
之子諱爲後真宗大中祥符末元常講易泰卦賜五  
品服除直龍圖閣直閣名官蓋始於此元性簡重非  
慶弔未常通謁公卿執親喪自括髮至祥練皆按禮  
變服多識今臺閣品式之事所學長於易常患先儒  
多失楊雄太玄之旨獨唐王涯爲稍近爲釋文一篇

欲因王說補正之。卒不能就也。

原本作及葬改定復令人不解查通鑑二后俱葬未定陵疑改獲作永陵

孔道輔字原魯初名延魯孔子四十五世孫大中祥

符五年登進士第天聖閒擢至龍圖閣待制除諫議

大夫御史中丞出知泰州徙徐兗州進給事中龍圖

閣直學士復為中丞坐鞫馮士元獄以給事中知鄆

州未至卒子宗亮宗翰初道輔任左正言常言樞密

使曹利用御藥羅崇勳皆竊弄天子威柄中外憚之

不早斥去無以清朝廷使契丹虜王酌以大卮曰方

天寒飲此可以致和氣道輔曰不和固無害及還言

湯云馮士元獄事連程琳其罪果薄原魯即向上言之未為大謬乃憤惋而卒量亦隘矣

者以為開夷爭端他日上問之對曰契丹新為黑水

所破勢甚蹙平時漢使至多以言相侮若不答恐益

慢中國上然之在憲府會郭皇后廢率諫官御史伏

閣請對上令至中書宰相謂曰廢后有漢唐故事道

輔曰大臣當導君以堯舜而漢唐失德可為法耶宰

相色沮明日請對不得入遂有泰州之命後雖坐馮

士元事貶天下莫不以直道許之也原本鞫作刻

段少連字希逸開封人其母夢鳳集於家庭而少連

生大中祥符末舉服勤詞學科中選釋褐知鄂州崇

陽縣崇陽劇邑自張詠後未之繼者少連治譽仍出其右累擢至天章閣待制范仲淹薦可任將帥除龍圖閣直學士知涇州徙渭州卒年四十六子仲堅初郭皇后廢少連爲殿中侍御史與臺諫官伏閣不得對孔道輔范仲淹謫出少連等止各罰銅十斤少連上疏以爲道輔仲淹出守外郡中外皆謂非陛下之意特宰執假天威以斷來者之說不報又疏伏觀戒諭自今竝如故事密上封章不得羣詣殿門請對且伏閣上疏豈非故事昔唐陽城王仲舒伏閣雪陸贄

之枉。崔元亮叩殿陛。理宋申錫之寃。今陛下未忍廢黜皇后而兩府列狀議降爲妃。諫議御史敢廢伏閣之事乎。陛下淡惟道輔等所言爲忠亮乎。爲阿黨乎。不報。又上疏。去年十二月二府大臣晚出民間喧傳皇后被遣而入道矣。又傳降爲妃而離宮矣。在外莫知其過失。無不驚歎。且皇后有罪。黜則告宗廟。廢則爲庶人。安有陰行臣下之議者乎。且皇后有小過。可降爲妃。則臣僚之婦有小過。亦當廢爲妾矣。臣等赴中書時。輔弼之臣備言。皇后有如忌之行。始議入道。

危言正論

終降為妃兼云有上封者恐皇后不利於聖躬故修築高垣置在別館臣等備陳中外之議翌日詔出乃云中宮有過掖廷具知特示含容俾自修省供給之閒一切如故臣未審黜在別館為妃乎為后乎詔書不言安所取信皇后動搖有大不可者二輔弼之臣獨不念之內外臣僚以至戚里豈不萌覬覦之心欲進其人以希選納不憚巧事寵愛以結內援使陛下惑女色而亂紀綱紀綱之亂變故以生社稷可得安乎臣願詔皇后歸宮復位號杜絕非閒待之如初陛

下苟為邪人所沮不加省察臣恐高宗皇后之枉必見於他日宮闈不正之亂未測於將來不報

修省加省察並從衆史正之

葉清臣字道卿蘇州人天聖二年登進士甲科累擢知制誥龍圖閣直學士權三司使出知江寧府入翰林為學士丁父憂或言其知兵起復守邊宰相陳執中所不悅除翰林侍讀學士知邠州改青州永興軍復為翰林學士權三司使罷知河陽卒年五十贈諫議大夫子均圻垣增有文集一百六十卷清臣初在西掖方陝西用兵急於經費中書進擬三司使獨不

在選中上自選任焉。及再蒞是職，請上河北安撫司錢平糶安撫使賈昌朝固爭而罷其為。人爽邁遇事敢行，數言事皆當世可施用者。在三司始奏編前後詔敕，使吏不能欺簿帳之冗者，一切刪去。內東門御廚凡所呼索，省司不敢問。此內臣領之故也。自是始為合同以檢其出入焉。常為兩浙轉運副使，疏太湖盤龍匯，漚瀆港入於海，民賴其利。

原本林下無為字固作故堪作原

彭乘，字利建，益州華陽人。大中祥符五年登進士第，授漢陽軍判官。與同年生游相國寺門，顧望皆有從。

宦之樂，乘獨曰：親老矣，敢舍晨昏之奉乎？翌日遂乞待養以歸。久之有薦其文行者，名試除館閣校勘，固辭還家。天禧初用寇準薦復名試，為校勘，遷祕書丞。集賢校理，懇求便親，得知普州舊制，蜀人不許赴蜀。官特恩自乘始。父卒既葬，甘露降墓栢上，人以為孝感。起居注闕，中書擬人，乘在選中。仁宗指其名曰：此老儒，雅有恬退稱，遂用之。擢知制誥，翰林學士，羣牧使。卒年六十五。子果行，景行家，聚書萬卷，多乘手自校正。質重純孝，特為文少工。

王洙字源叔，應天府人。天聖二年登進士第，累擢知制誥、翰林學士。以兄子堯臣參知政事，權翰林侍讀學士。卒年六十。子力臣、欽臣、陟臣、曾臣，所著傳十卷。雜文千有餘篇。洙博覽強記，學問過人。圖緯、方技、陰陽、五行、算數、音律、詁訓、篆隸之學，無所不通。兩爲天章閣侍講，常與胡瑗定樂制，更造鐘磬，而無形制，容受之別，旣成，卒不可用。預修崇文總目，集韻、祖宗故事、五朝武經聖略、鄉兵制度。在太常主溫成葬事。由員外除翰林學士，及避親，以一學士權二學士故事。

侍講無兼領者，常爲諫官。范鎮論奏之，其卒賜諡曰文。吳中復等言：官不應得諡，乃止。

原本諡在詔由作而

胥偃字安道，潭州長沙人。大中祥符五年登進士第，屢歷外官。景祐初，知制誥。久之，入翰林爲學士，權知開封府。卒年五十七。子元衡，其家初有田數十頃，偃旣貴，遂以予族人。西邊用兵，士卒親屬畱京師，有犯法抵死者，上不忍使就刑，言者或欲置毒飲中，令得善死。偃力諫止。天下圭田、初無月日之限，爭者稍衆，偃請限水田以四月終，陸田以三月終，因著爲令。常



與謝絳試中書吏大臣有私屬者偃不發視其緘牘而焚之曰發而言之不亦傷刻薄乎

原宋翰上無入字

狄棐字輔之潭州湘潭人唐梁公十代孫也唐末其遠祖避地因家焉咸平二年登進士第多歷外任明道初擢至諫議大夫龍圖閣直學士進樞密直學士卒年六十七子遵道遵度遵禮遵路常守蒲中內臣旁午有自矜權寵者欲引援之棐答以它語退謂人曰吾湘潭一寒士今官侍從豈晚節緣近倖以希進哉知廣州不畜南海物人稱其廉慎及終家無餘貲

吳遵路字安道父俶字正儀潤州人幼有俊才韓熙載潘佑皆以文章著名江左一見俶深加器重曰吳安道中林之蘭蕙也因問以文皇杜淹論樂異同俶曰志氣未動則聲能致和哀樂旣形則樂乃思變熙載佑歎曰足以探禮樂之情矣應江南進士舉徐鉉主文擢在高第補丹陽尉久之進內史歸朝以近臣薦始得對召試學士院充史館編修太平御覽文苑英華太平廣記遷祕閣校理修起居注太宗實錄官至職方員外郎卒年五十六有文集二十卷說文及

祕閣閒談各五卷江淮異人錄各三卷遵路大中祥符五年登進士第累擢至天章閣待制龍圖閣直學士卒年五十六子瑛遵路少穎悟其舅陳彭年以令器許之及長博學慎重寡言尤篤於風義居母喪廬墓側蔬食終制常採古今治亂事著皇典數百卷未訖而終家無餘貲友人范仲淹分俸賙之

新編倣作淑原本進作直至作知

周湛字文淵其先汝陰人五世祖宦湖外馬霸圖割據畱不敢歸子孫遂爲邵州人既又徙居南陽湛天禧二年登進士第歷內外官善治劇初若不畱意已

而皆得其要累擢至右諫議大夫知相州卒年七十  
一子璟玘戎州俗不服藥而救疾以巫湛爲通判刻方書於石民始知藥之驗江湖民多略良人鬻嶺外爲奴婢湛提點廣東路刑獄許其自陳得還鄉者千數徙京西路罷鄧州美陽堰役夫歲數十萬前此利止及圭田而不及民故也江西民喜訟多竊去案牘而州縣不能制湛爲轉運使爲立千文架閣法以歲月爲次嚴其遺失之罪朝廷頒諸路爲法至今不易又命諸縣據籍括詭名戶一路推究三十餘萬以免

追擾之弊。徙夔州路。蜀雲安鹽井。虛課而省其輸薪之患。知襄州。鄜中皆以竹。居民多侵官衢。故多火災。湛命驗券而正其經界。仍易竹以瓦。後不能改。任三司鹽鐵判官。立勘同法。歲減天下計帳七千道。遷戶部副使。覆校軍大將功罪。發運司保送而遷者減常之半。善隔屋射弩。發必中。的人服其妙。原本而皆作時皆失作去鹽並作監

楊察字隱甫。其先成都人。景祐元年登進士甲科。累擢知制誥。龍圖閣待制。翰林學士。加承旨。三入翰林。又常兼龍圖學士。權知開封府。御史中丞。兩除三司。

湯云新編  
作鍾乳  
過彌過劑  
二字妙蓋  
必不止數  
片矣

使卒年四十六。贈禮部尚書。諡宣懿。無子。以兄之子登為後。察七歲始能言。為文敏贍。典內外制。有體要。吏術簡而中理。初為江東轉運使。部吏頗易其年少。及摘姦伏。一路雙慄。任中執法。言臺屬供奉殿中。巡糾不法。必得通古今治亂良直之臣。今舉格太密。公坐細故。皆所不取。恐英偉之士。或有所遺。知成都。餌鍾乳數片。癰發內潰而逝。有文集二十卷。第寘字審賢。慶曆二年舉進士。殿省國學。皆選居第一。通判潤州。以母憂不赴。毀瘠嘔血而卒。年三十一。寘常曰。友

原作敢

人黃孝先常夢我爲龍首山人蓋逆知其無祿也  
余靖字安道韶州人天聖二年登進士第又中書判  
拔萃科授將作監丞稍遷祕書丞集賢校理范仲淹  
言事忤宰相貶饒州靖上言恐鉗天下口落職筠州  
管權以母憂服除復職除右正言數言事合上意擢  
知制誥積官至工部尚書卒謚襄靖常三使契丹曉  
其語言因爲蕃部語詩爲御史劾奏貶吉州茹孝標  
常因靖言其不孝廢至是遂詣闕言靖少常犯法靖  
乃自求侍養改將作少監分司居韶州六年起知虔

州喪父解官會儂智高反朝廷以祕書監起復知潭  
州徙桂州聞智高自廣還邕靖意其必援交趾而脅  
諸峒以自固乃檄諭李德政及溪峒諸酋約其破賊  
會遣狄青孫沔將兵且至與靖合爲三將靖常追鈐  
轄陳曙出關敗走青次賓州戮曙以徇靖懼離席拜  
青及青破賊靖與功後知廣州代還至江寧府秦淮  
亭卒年六十五靖常夢人告以官及死所皆驗  
原本固作周  
賈黯字直孺南陽人慶曆六年登進士第累擢知制  
誥翰林學士權御史中丞在翰林兩爲學士兩以侍

讀學士出補郡卒年四十四黯有學少文修潔無所  
阿附仁宗深重之常知襄州父疾請解官就養未報  
乃棄官而歸責郢州未赴而父卒服除亦不復責權  
開封府府史額七百人廢而復敘者皆額外補之黯  
請敘者須有關乃補在西掖宰相以錢延年爲待制  
黯不草制故罷居憲府與兩制合議請以漢王爲皇  
伯宰執不從會大雨水黯上疏言水不潤下以二三  
大臣阿諛容悅違背經義故致此災變黯言事雖不  
皆切中然時論稱其亮直

何中立字公南許州人景祐元年登進士第多歷內  
外官擢修起居注知制誥龍圖閣直學士樞密直學  
士知杭州卒年五十四子景先景初景山景闔景倣  
景甫景倩中立嗜酒而爲文頗正所至政事亦優權  
知開封府以賊屬吏不服釋去中立至有復執所釋  
囚來中立視之曰此真盜也窮治之果不能隱知慶  
州有卒告大校受贓者中立治告者誣而置於法或  
曰貸姦可乎曰人人得持短長以制其上將誰使督  
戰於行陣也

陳從易字簡夫泉州人端拱初登進士第踐歷之久始擢知制誥諫議大夫進龍圖閣直學士知杭州卒年六十子紹孫繼孫維孫所著泉山集二十卷中書制彙五卷西清奏議二卷常與楊大雅同在西掖俱以文學知名時謂之楊陳從易天禧中坐失舉送宰相寇準素惡之遂除知吉州及準貶道州從易為湖南轉連使或謂曰可忘廬陵之命耶準至從易以故相禮敬之言者為慙素與王欽若善欽若廢居睢陽親舊畏時相無敢見者從易赴河南見之欽若曰無

乃為君累乎卒畱數日而行  
俱原本作但

[Faint bleed-through text from the reverse side of the page, mostly illegible.]

隆平集第十五卷

宋曾文定公編撰

南豐後學彭期訂

儒學行義

尹傳奏疏從宋史增四十九字  
改十四字刪六字

尹洙字師魯河南人天聖二年登進士第積官至右  
司諫進起居舍人直龍圖閣知潞州原作御名崇信軍節度  
副使徙監均州酒稅卒年四十七子朴構原作御名兄源字子  
漸亦以文學知名終太常博士洙博學有識度遇事  
無難易勇於敢為人有疑難不能自決者造問焉洙

爲指畫講說。皆釋然而去。通六經尤深於春秋。自五代之弊。氣格不振。宋興。柳開始爲古文。而辭語猶事隱奧。至天聖初。洙與穆修始興起之。繼而作者遂高。出近世矣。有文集二十七卷。初洙集賢院上疏曰。漢文帝盛德之主。賈誼論當時事勢。猶云可爲慟哭。孝武帝外制四夷。以強主威。徐樂嚴安亦以陳勝亡秦。六卿篡晉爲戒。二帝不惡危亂滅亡之語。故子孫保有天下者十餘世。秦二世時。關東盜起。或以反者聞。二世怒。下吏或曰。逐捕令盡。不足憂。乃悅。隋煬帝時。

四方兵興。左右近臣。皆隱賊數。不以實聞。或言賊多者。輒被詰。二帝以危亂滅亡爲諱。故秦隋之宗社數年而爲丘墟矣。陛下視今日天下之治。孰與漢文。威制四虜。孰與漢武。國家基本仁德。陛下慈孝愛民。誠萬萬於秦隋。至於西有不臣之虜。北有強大之鄰。非特閭巷盜賊之勢也。自虜叛命四年。竝塞苦數擾。內地疲遠輸兵。久於外而休息無期。卒有乘弊而起。兵法所謂雖有智者不能善其後。當此之時。陛下當夙夜憂懼。所以慮事變而塞禍源也。陛下延訪邊事。容



納直言。前世人主勤勞寬大，未有能遠過者。然未聞以宗廟爲憂，危亡爲懼。此臣所以感憤於邑而不已也。何者？今命令數更，恩寵過濫，賜予不節。惟此三者，戒之慎之，在陛下所行耳。非有難動之勢也。而因循不革，弊壞日甚。臣是以謂陛下未以宗廟爲憂，危亡爲懼者，此也。夫命令者，人君所以垂信於下。異時民間朝廷降一命令，皆竦觀之。今則不然，相與竊語以爲不久當更。旣而信爾，此命令日輕於下也。命令輕則朝廷不尊矣。又聞羣臣有獻忠謀者，陛下始甚聽

焉。後復一人沮之，則意移矣。忠言者以信之，不能終願。自誦其謀以爲無益，此命令數更之弊也。夫爵賞者，陛下所持之柄也。近時外戚內臣以及士人，或因緣以求恩澤，從中而下，謂之內降。臣聞唐氏衰政，或母后耑制，或妃主擅朝，樹恩私黨，名爲斜封。今陛下威柄自出，外戚內臣賢而才者，當與大臣公議而進之。何必襲斜封之弊哉？使大臣從之，則壞陛下綱紀。不從，則沮陛下德音。壞綱紀，忠臣所不忍爲。沮德音，則威柄輕於上。且盡公不私朝廷，所以責大臣。今乃

自○以○私○暱○撓○之○而○欲○責○大○臣○之○不○私○難○矣○此○恩○寵○過○  
濫○之○弊○也○夫○賜○予○者○國○家○所○以○勸○功○也○比○年○以○來○嬪○  
御○及○伶○官○太○醫○之○屬○賜○予○過○厚○民○間○傳○言○內○帑○金○帛○  
皆○祖○宗○累○朝○所○積○陛○下○用○之○不○甚○愛○惜○今○之○所○存○無○  
幾○疎○遠○之○人○誠○不○能○知○內○府○豐○匱○之○數○但○見○取○於○民○  
者○日○滋○卽○知○畜○於○公○者○不○厚○臣○亦○知○國○家○自○西○方○宿○  
兵○用○度○寢○廣○帑○藏○之○積○未○必○悉○爲○賜○予○所○費○然○下○民○  
不○可○家○至○而○戶○曉○獨○見○陛○下○行○事○頃○歲○聞○邊○將○王○珪○  
以○力○戰○獲○名○馬○金○帛○之○賞○則○無○不○悅○服○或○見○優○人○所○

得○之○過○則○往○往○憤○歎○人○情○不○可○不○察○此○賜○予○不○節○之○  
弊○也○臣○所○論○三○事○人○皆○共○知○近○臣○從○諛○而○不○言○以○至○  
今○日○方○今○非○獨○夷○狄○之○爲○患○朝○政○日○弊○而○陛○下○不○寤○  
人○心○日○危○而○陛○下○不○知○故○臣○願○先○正○於○內○以○正○於○外○  
然○後○忠○謀○漸○進○綱○紀○漸○舉○國○用○漸○足○士○心○漸○奮○邊○境○  
之○患○非○所○患○也○惟○漢○察○秦○隋○惡○聞○忠○言○所○以○亡○遠○法○  
漢○帝○不○諱○危○亂○所○以○存○日○新○盛○德○與○民○更○始○則○天○下○  
幸○甚○上○嘉○納○之○任○福○之○敗○當○時○言○者○謂○隨○軍○耿○傳○督○  
戰○太○急○後○得○傳○書○乃○戒○福○持○重○洙○以○傳○文○吏○無○軍○責○

而死行陣被誣作憫忠辨誣二篇初劉平等戰歿朝  
 廷以夏竦為安撫經略使范仲淹韓琦副之更以洙  
 為判官詔議攻守計乃具二策令琦與洙詣闕奏之  
 上命用攻策遂趨延州謀出兵而仲淹持不可還至  
 慶州會任福已敗於好水川洙因發慶州部將銳卒  
 數千赴援而賊已引去夏竦奏洙擅發兵降通判濠  
 州及知渭州鄭戩為陝西四路都總管遣劉滬董士  
 廉城水洛洙奏罷之時鄭戩已解四路而奏滬等督  
 役如故洙屢召滬等不至遣人代之亦拒命洙乃諭

狄青械以下吏戩論奏不已徙洙慶州又徙晉州卒  
 城水洛滬等違洙命猶奪官乃知潞州士廉詣闕訟  
 之命御史劉湜就鞠無罪乃以假公用錢與部將孫  
 用又以為常自貸遂及貶斥天下莫不以為湜文致  
 之也久之上貫其無罪特賜一子官

原本自五作由五傳訛傳水洛  
 作承洛文致作文政貫作賞

江休復字鄰幾雍丘人天聖二年登進士第又舉書  
 判拔萃中選因獻所著書特除集賢校理赴進奏院  
 祠神會落職久之復舊擢修起居注積官刑部郎中  
 卒年五十六休復外簡曠而內行甚飭事孀姑如母

強學博覽爲文典雅尤工於詩喜琴弈飲酒不慕聲利著唐鑒十五卷春秋世論三十卷文集三十卷又作神告一篇言皇嗣事以感悟上意又常言昭憲太后家子孫多流落民間者因得盡加收錄子懋簡懋相懋廸

周堯卿字子餘初名奭今名及字夢人授之也其先汝陰人五世祖曜文唐道州刺史乾寧中劉建峯將馬霸圖割據湖外仕者畱不敢去子孫因家焉旣又徙居荊州之南堯卿警悟強記七歲善賦詩弱冠以

學行知名天聖二年登進士第積官至太常博士通判饒州卒年五十三子諭誥諡諷說誣有文集二十卷詩春秋說各三十卷堯卿十二喪父憂戚如成人見母氏則抑情忍哀不欲傷其意母異之謂族人曰是兒愛我如此多知孝養我矣卒能孝養志如母之言其於昆弟尤篤友愛執母喪倚廬三年席薪枕塊雖疾病不飲酒食肉或勉之以禮曰禮老病不止酒肉意或不勝喪耳病且未老忍及此耶葬之先期躬自負土有告之曰古之貧無以葬者或然今子何

自○苦○泣○然○流○涕○曰○過○是○雖○欲○竭○力○復○可○得○乎○既○葬○慈  
鳥○百○數○衙○士○集○龍○上○人○莫○不○駭○矚○以○爲○孝○感○所○至○堯  
卿○爲○人○簡○重○不○校○有○慢○已○者○必○厚○爲○禮○以○媿○之○居○官  
祿○雖○薄○賜○宗○族○朋○友○罄○而○後○已○所○至○稱○治○民○有○去○思  
常○知○汀○州○寧○化○縣○提○點○刑○獄○楊○紘○入○境○微○伺○刺○史○善  
否○有○被○刑○而○耘○苗○者○紘○就○詢○其○故○對○曰○貧○以○利○故○爲  
人○直○其○枉○令○不○可○欺○而○我○欺○之○我○又○何○怨○紘○至○邑○不  
復○它○察○第○以○所○聞○薦○之○慶○曆○閒○范○仲淹○舉○經○行○可○爲  
師○表○未○及○用○而○卒○堯○卿○之○學○不○惑○傳○註○問○辨○思○索○以

通○爲○期○其○學○詩○以○孔○子○所○謂○詩○三○百○一○言○以○蔽○之○曰  
思○無○邪○孟○子○所○謂○說○詩○者○以○意○逆○志○是○謂○得○之○考○經  
指○歸○而○見○毛○鄭○之○得○失○曰○毛○之○傳○欲○簡○或○寡○於○義○理  
非○一○言○以○蔽○之○者○也○箋○欲○詳○或○遠○於○情○性○非○以○意○逆  
志○者○也○是○可○以○無○去○取○乎○其○學○春○秋○曰○左○氏○記○之○詳  
得○經○之○所○以○書○者○至○三○傳○之○異○同○均○有○所○不○取○曰○聖  
人○之○意○豈○二○致○邪○讀○莊○周○孟○軻○氏○之○書○曰○周○善○言○理  
未○至○於○窮○理○窮○理○則○好○惡○不○謬○於○聖○人○孟○軻○是○已○孟  
善○言○性○未○至○於○盡○已○之○性○能○盡○已○之○性○則○能○盡○物○之

原本脫此有則訛或從通鑑

性而與天地參其惟聖人乎天何言哉性與天道子  
 貢所以不可得而聞也昔宰我子貢善為說辭冉牛  
 閔子顏淵善言德行孔子曰我於辭命則不能也惟  
 不言故曰不能而已蓋言生於不足者也其講解議  
 論類皆若是或人以堯卿居喪比馮元者孫復聞之  
 曰元動息求之於禮其哀思未數數能也堯卿先  
 盡其哀而情不遠於禮其可同日語哉故歐陽修以  
 文表其墓曰若周君者事生盡孝居喪盡哀而以禮  
 者也禮之失久矣喪禮尤廢也孔子在魯而魯人不

能行三年之喪其弟子疑以為問則非魯而它國可

知也孔子歿其後世又可知也又曰君學長於毛鄭

詩左氏春秋修之辭其略見於此

原本或然然說能自左詁由尤數數下所能疑說曰若詁一從歐誌改

孫復字明復晉州人少舉進士不中第退居泰山學

春秋著尊王發微自石介而下皆師事之年四十未

娶李迪以其弟之子妻之慶曆中范仲淹富弼言復

有經術宜在朝廷除校書郎國子監直講駕幸太學

面賜五品服常賜對邇英閣說詩上欲以為侍講而

楊安國言其講說多異先儒遂寢累遷至殿中丞卒

劉云孔直  
溫一人累  
孫復又累  
石介即使  
果有書與  
詩未必同  
謀况安知  
非奸人文  
致和

年六十六賜其家錢十萬復治春秋不取傳註其言  
簡而義詳明諸侯大夫功罪以考時之盛衰而推見  
治亂之迹故得經之意為多既病樞密使韓琦始言  
於上選吏給紙筆命其門人祖無擇即其家得書十  
有五篇錄藏祕閣而特官其子慶曆七年索徐州狂  
人孔直溫家常有遺復詩彙坐貶久之翰林學士趙  
槩等十餘人言復經為人師始還舊職終不獲遷也  
石延年字曼卿幽州人其祖始舉族自契丹來居  
南京之宋城延年應進士累舉不中第賜三班奉職

恥不就張知素奇之謂曰母老且擇祿耶延年不得  
已而就後以右班殿直換太常寺太祝知濟州金鄉  
縣有治効用薦授通判永寧軍徙永靜軍除館閣校  
勘寶元二年遷祕閣校理積官太子中允卒年四十  
八天章閣待制吳遵路常與延年同使河東料揀民  
兵及卒遵路為言朝廷特賜其子濟太廟齋郎延年  
寶元閒常上書言天下不識戰鬪三十餘年請為二  
邊備不報及元昊反上思其言故命使河東凡得兵  
數十萬還賜五品服時邊將遂欲以鄉兵捍賊延年

笑曰此得吾粗也。夫不教之兵，勇怯相雜。若怯者見敵而動，則勇者亦牽而潰矣。今雖未暇教，募其敢行者，則人人皆勝兵也。又常請募人說喚廝羅及回鶻，舉兵攻元昊，上亦嘉納之。延年喜劇飲，頗自放。若世務不能櫻者，然與人論天下事，是非曲當，善書工於詩，有集行於世。

然與然字原本作能

張唐卿字希元，青州人。有辭學，履行。景祐元年登進士甲科，通判陝州。民母再適人而死，及葬其子盜以歸，與父同葬。有司請論如法，唐卿權郡事曰：是知有

孝，不知有法耳。釋之。而聞於上，聞者莫不嘉之。以父憂瘠嘔血而卒，年二十八，無子。

石介字守道，兗州人。先世農家，父丙始仕，至太常博士。介天聖八年登進士第，久之為國子監直講。以杜衍薦，改太子中允，韓琦除直集賢院，出通判濮州。卒年四十一。初介自嘉州軍事判官，丁父母憂，躬耕徂徠山，葬五世之未葬者七十喪。魯人謂之徂徠先生。介篤學，氣節勁正，常謂時無不可為，不在其位則行其言。言見用，利天下，不必出諸已言，不用獲禍至死。

與危行言孫庚矣



而不悔故其文章陳古今治亂成敗以指切當世無所諱忌在太學教諸生聞朝廷美政則歌頌之否則刺譏之宰相呂夷簡以疾罷而杜衍代夏竦樞密使范仲淹富弼韓琦樞密副使歐陽修余靖蔡襄爲諫官介曰此盛事也歌頌吾職其可已乎乃作慶曆聖德詩分別邪正專斥夏竦泰山孫復謂之曰子禍始於此矣其後徐州孔直溫有逆謀搜其家得介書而或謂介詐死投北虜矣夏竦請發其棺驗視又有請羈管其子弟久之始釋歐陽修作詩以悼之

投原訛役

胡瑗字翼之泰州人累舉進士不中景祐中求知音者白衣召至京師與李照阮逸定樂除祕書郎范仲淹帥延州辟丹州推官自湖州掌學入爲諸王宮教授以疾致仕嘉祐初爲太子中允天章閣侍讀復以疾授太常博士致仕卒年六十七子元康朝廷再起瑗以議大樂樂成多變古法其樂制以一黍之廣爲分以制尺其律經三分四釐六毫四絲其圍十分三釐九毫三絲其聲比舊樂下半律又鐘磬大小一以黃鍾爲率而鐘之狀類鐸旣而議者多非之後卒不

用瑗通經術教人有法在湖州門生去來常數百人慶曆中興太學有司請下湖州取其規矩爲太學法皇祐中起議樂因除國子監直講而從其學者益衆成材而備朝廷器使蓋不可勝計

原本以議上有皆字成上無字

劉顏字子望徐州人大中祥符元年登進士第初知汝州龍興縣坐殺已就執之盜免官遂居鄉里以著書自適從學者常數十百人名聞東州乃採摭兩漢至五代名臣奏對有補於時者爲輔弼名對四十卷馮元及錢易滕涉蔡齊爲上之且言顏經行淳備乃

以補任城縣主簿李廸知兗青二州皆辟爲從事卒年五十一子庠所著有儒術通要經濟樞言石介見其文歎曰恨不得在弟子之列

王回字深甫福州侯官人常舉進士中第補衛真縣主簿議邑事不合移疾自免久之大臣薦之朝廷授以一邑命下而卒年四十二有集二十卷弟向亦以文學知名善序事亦早卒回孝友質直博學知要與臨川王安石友善安石謂回造次必稽孔子孟軻所爲而不爲小廉曲謹以求名於世其學問所得自漢

以來列儒林者罕及也。

劉義叟字仲叟澤州人舉進士不中第歐陽修使河東薦其學術擢試大理評事留為唐書律曆天文五行志編修官書成授崇文院檢討未謝卒義叟通經史百家之學國朝典故財賦刑名兵械鍾律皆所究知星曆數術尤得其要常以春秋洪範變異休咎著書十數篇斥古人所強合者其占日月星辰無或不驗皇祐五年日蝕心是時朝廷制樂聲鐘大鬱而不發又陝西錢法大弊義叟曰此所謂害金再興與思

景王同占也。上將感心腹之疾乎。其後月入太微日

宮中當有喪而張貴妃薨至和初四月日蝕客星出

於昴日契丹主且死矣。其言無差。所著有十三代史

志。劉氏輯曆春秋災異南北史韶韻目。

原脫與字國語伶州鳩論鑄大錢無射為害金再興

徐復字復之建州人常遊京師舉進士不中第退而

學易通流衍卦氣之法自筮無祿故不復進取遊淮

浙閒數年凡天文地理遁甲占射諸家之說讀之必

得其旨因聽其鄉人林鴻範說詩之所以用於樂者

忽若有得遂舉器求樂之本而曉然知律呂微妙動

作之制時胡瑗作鐘磬大變古法復笑曰聖人寓器以聲今不先求其聲而更其器是可用耶卒如其言慶曆初范仲淹過潤州問復以衍卦占之今夷狄無動乎復爲占西邊用兵日月無少差其後與郭京同被召賜對問以天時人事復據京房易卦推今年所配年月日時當小過剛失位而不中宜在疆君德仁宗又問明年主何卦復對曰乾卦用事說至九五而止又問前年京師黑風其咎安在對曰其兆在內應豫王之喪乎明日特除大理評事復固辭乃賜號冲

晦處士授其子發校書郎復履尚高潔徙居杭州十餘年卒年八十京好言兵范仲淹滕宗諒數薦之故

與復同名焉

劉云類彙有徐復傳敘次與此大別原本音作宜爲作爲剛訛關喪作象類稿作字希顏其子晞

高擇字文悅高祖季興唐末徙荆南之地子孫因家焉擇少孤養於民十三歲能屬文通經史聞种放隱

疑脫開字從偽國之後

終南山擇亦築室豹林谷放見而奇之與張堯許勃號南山三友詔舉沈淪草澤寇準薦不起景祐中朝廷錄國初侯王後擇推其弟忻得一官范雍京兆建學召擇授諸生經從之者數百人康定杜衍請賜以

處士號上特除大理評事固辭上嘉其守改賜安素處士文彥博又薦其經行先常賜良田五頃矣至是復賜第一區既又除光祿寺丞懇辭不拜卒年七十。一子嗣復有少微諸宮集續東臯子兵源掛冠錄煙霞志凡數十卷懌喜讀書爲文有法而詩清淡有古風論唐以來至宋衣冠氏族人物皆見其本末考之載籍不謬常夢白衣持素書目爲白鹿洞主因作詩識之二十年晝寢復夢之其夕卒葬白鹿鄉。擇原本俱作擇從宋史改林逋字君復杭州人祖克已爲錢氏通儒院學士逋

少孤嗜學景德中游江淮歸結廬杭州之孤山真宗聞其名屢賜束帛命州縣歲時問勞居西湖二十年不入城市卒年六十一臨終有詩云湖上青山對結廬亭前修竹亦蕭疎茂陵他日求遺草猶喜曾無封禪書逋不娶無子教其兄之子宥登進士第逋少常遊臨江軍李諮始舉進士未有知者逋謂人曰此公輔之器也逋之卒諮時知杭州爲制總麻服與其門人哭而葬之刻臨終一絕納壙中既而仁宗賜諡曰和靖先生仍賜其家帛五十疋米五十石逋善行書

喜爲詩其語孤峭清淡其稟未常自錄或曰何不錄以傳後世乎逋笑曰吾猶不欲以詩取名於林泉况後世耶。

代淵字仲顏永康軍人天聖二年登進士第累遷至太常丞知益州田况表其所著周易旨要二十卷朝廷特授祠部員外郎而卒淵恬於勢利退居青城山二十餘年以著書自適仕進非所樂也慶曆初知制誥王拱辰安撫西川遺書欲起之託疾不往見趙師旦字潛叔單州武城人以叔積蔭補累官至右

贊善大夫知康州

餘同曹觀事見孔宗旦傳

曹觀建州人故贈諫議大夫脩古之姪脩古無子以觀爲嗣而蔭以官累遷至太子中舍知封州

孔宗旦兗州人初廣源州蠻儂智高潛聚衆溪峒而邕州有白氣起郡庭仍江水暴溢宗旦以爲兵象度智高必反以書告知州陳拱不聽皇祐四年遂舉兵寇邕橫貴龔封藤梧康端等州賊之未至曹觀以州無兵備遂募敢死士五百人以守城而鄰城已爲避賊計遂給以書曰賊止期得邕貴而已豈肯離巢穴

亦輕信失策

遠來耶慎勿張皇驚擾也。觀以為然。乃縱所募去。而賊至。又勸使之走。觀叱之曰。先諫議以忠義自持。吾豈苟生而貽辱先人者邪。俾妻子逃匿民間。自佩郡印與兵馬監押陳曄率州兵百餘人禦賊。力不勝。遂為賊所執。同郡胥及二卒命人錮守之。胥欲與俱亡。不可。遂授二卒印。使懷去。不食三日。賊諭欲用之。觀叱曰。犬彘敢爾邪。遂遇害。投屍水中。趙師旦亦嘗先遣人覘賊。還報曰。諸州長吏皆棄城去矣。師旦曰。汝亦欲吾去邪。乃索得謀者三人。斬以徇。而賊將及城。

下。因語妻子曰。畱此俱死。無益也。付以郡印。令避難山谷。間明日賊大至。州兵止三百人。師旦與兵馬監押馬貴力戰。矢盡。還坐堂上。智高擁衆入。師旦罵曰。朝廷負若邪。大兵且至。戮汝無遺類。智高怒。并貴害之。始賊既破橫州。宗旦遣其家屬依桂州。曰。吾有官守。不得去。無為俱死也。及州破。宗旦被執。賊有用之之意。宗旦慢罵不已。以及於禍。宗旦常宦京東。頗為監司耳目。推辱士人。為衆所惡。臨難。乃能立節如此。祖無擇以其事聞於朝。而卹典頗厚。趙師旦之妻生。

子數日而避賊棄之草中三日猶不死復取而育之  
曹觀死其妻及幼子聞而死封康二州民爲二守立  
廟歲時祀之朝廷贈趙師旦光祿卿賜其母長安縣  
太君霞帔錄其弟師陟爲大理寺丞子觀右侍禁從  
子覲試將作監主簿贈曹觀太常少卿錄其弟現爲  
建安縣主簿四子皆賜官長者爲太常寺奉禮郎終  
喪年未應格諫官唐介言於上特命與差遣仍見闕  
修古妻陳氏陳乞現三注建州官以便其私慶曆間  
耿傳參任福軍事死於好水川其忠義當先錄於此

而與王珪桑懌同列於武臣閒蓋欲見其本末也

按此敘孔宗旦三人同時死事皆慷慨就義真令人讀之無不感憤涕洟得史記合傳之體





俟風回吾屬為虜矣彼謂我不能逆風戰今出其不  
 意兵之詭道也彥澤從之殺獲甚眾追奔二十餘里  
 以元福為威州刺史西戎三族攻靈州命元福佐朔  
 方節度使馮暉討之朔方距威州七百里地無水草  
 謂之旱海攜糧至暉食盡詰朝行四十里而虜騎數  
 萬扼要路暉大懼遣人致賂未成雖許及日中猶未  
 決暉曰奈何元福曰彼正欲困我耳察其勢虜雖眾  
 特依西山而陣者其精兵也請以驍銳先薄西山彼  
 或少卻當舉黃旗為識合勢擊之暉善其謀斬馘殆

盡漢乾祐中鳳翔王景崇河中李守正永興趙思綰

結蜀兵為援以叛元福從暉進討兵眾寡數倍他將

皆為卻而元福擁數百騎獨出令曰敢回頭者斬眾

効死以戰遂有成功慕容彥超盜據兗海周祖命曹

英為帥向訓副之叅用元福以兵■謂元福曰已諭

英訓勿以軍禮見汝及元福至英訓皆父事焉會親

征城遂拔以功除建雄軍節度使世宗討劉崇糧不

繼而班師命元福殿崇出追元福擊走之在周凡改

四鎮朱興加檢校太師卒年七十七贈侍中

郭瓊字國華幽州盧龍人少事契丹遷至都校後唐明宗朝挈族來歸授以團練使晉末虜陷中原盜賊蠶起德光以瓊爲忻州刺史卽單車赴治盜畏其威相與遁去漢乾祐中淮人攻密州以瓊帥東路行營淮人聞之亦亟引避劉銖守平虜稱疾不朝隱帝疑其叛詔瓊領兵屯青州銖將害之張宴伏兵幕下瓊無懼色銖亦不敢發瓊徐爲言去就禍福銖遂趨召周顯德中爲齊州防禦使歲饑出俸以濟之民多自郊境至者郡人詣闕以言詔爲立碑宋初以左衛上

將軍致仕卒瓊推賢接物有士君子之風所至民懷愛之

何繼筠字化龍河南人父福進仕周至節度使五代史有傳福進節制鎮州繼筠補牙職以偏師出玉門斬并人數千級賞功除刺史契丹入寇又擊敗之宋興命護兵關南乾德六年太祖親征太原繼筠奪并人汾河橋又敗其衆於城下開寶末契丹來爲并援繼筠屯石嶺關追奔數十里斬馘千餘級遂擢授建武軍節度使屢以少擊衆在塞上二十年虜人畏其

名多繪其像而瞻拜之卒年五十繼筠兒童時嬉戲必分布部伍為戰陣狀及長善射淡沉有謀與士卒同甘苦子承矩字正則開寶二年從繼筠討劉崇生擒其偽將胡澄四年特除開廐副使太平興國中監兵泉州以平草寇功遷開廐使擢權知河陽徙潭州居六年端拱初除滑州刺史簽書滄州事時契丹數寇邊承矩請屯兵於順安寨西關易河溝口引水東西三百餘里南北五十七里築隄瀦水以助要害太宗用其策屬霖潦為患議者多攻其失承矩援漢魏

之利并井  
有餘使經  
理有法自  
可以佐兵  
民之食少  
省輸輓之  
勞

至唐故事以折之詔以承矩為河北制置屯田使民遂獲莞蒲魚蛤之利而稻田歲入亦助邊餉自是高陽並海以抵順安絕胡寇奔衝之虞又言順安至西山不遠百里亦多川源願因而廣之用息外患朝廷雖嘉之未及行也真宗即位常手疏和戎為息民之利景德初契丹修好上益善其有謀又命知雄州進本州團練使兼安撫使時虜使初至承矩以為待之禮宜得中庶可久也上嘉納久之懇求罷徙齊州卒年六十六贈相州觀察使子龜齡遐齡九齡緣邊及

疑脫接字

涿易州軍民聞承矩卒無不流涕相與至雄州發哀  
供佛何氏世爲名將而承矩好學有文所與游者必  
賢士大夫有文集藏於家。平時章疏論事多適用。既  
卒上遣內侍就其家取存日奏疏進內。太宗知其好  
學喜吟詠。前後命中貴人賜以御製并書積五十餘  
軸。又面付手札以褒之。初除團練使真宗謂宰臣曰  
承矩將家子知書好名以才能自任宜授以美名遂  
除英州及丐罷瓦橋詔自擇代遂薦李允則亦良將  
也。承矩御下以誠同其甘苦邊民有告機事必與歛

語無所猜忌。故虜中動息無不逆知。至道初虜騎萬  
餘夜逼城堞。遲明承矩出戰斬獲甚衆。仍得其酋長  
虜始引去。議者猶以開關不俟命爲罪。故徙滄州。是  
夏魏廷式採訪河北得其功狀。朝廷遣使實覆。將士  
始獲推賞。承矩治滄雄州三任績効甚著。

楊廷璋字溫玉真定人。祖洪裕少漁貂裘。岐有以二  
石鴈授之者。其翼一揜左一揜右。曰北嶽使也。是年  
生女爲周祖淑妃。明年生廷璋。以淑妃得賜官。遂至  
節度使常鎮晉州。而隰州闕守。乃請監軍李謙浦權

領州事謙浦至。隰并人圍其城。或請速救之。廷璋曰。賊遠至。必未攻城。乃募死士百數。潛遣諭謙浦。相應夜銜枚擊之。并人大潰。逐北數十里。宋興荆罕儒監晉州兵。疑廷璋周之近親。欲圖之。見必懷刃。而廷璋接以至誠。卒不敢發。周祖常諭廷璋。圖涇帥史懿。廷璋屏左右。示以詔書。懿受代入朝。遂免禍。時論以罕儒之不能加害。爲若有施報也。廷璋被詔。單騎朝覲。加檢校太尉。

原本溫作陽乃作其

王審琦字仲寶。河南人。仕周。至防禦使。沈毅善謀。所

至有政績。世宗征淮。舒州堅壁不下。以郭令圖爲刺史。命審琦司超將兵攻城。一夕拔之。令圖入。復見逐於郡人。審琦方進軍。援黃州。聞令圖被逐。乃選騎銜枚襲城。夜敗其衆。而復納之。遂以兵破紫金山。世宗圍濠梁。審琦先拔其水寨。乃降。及攻楚州。審琦料淮人城陷必遁。設伏待之。卒墮計中。宋興從太祖親征。李重進論功。除忠武軍節度使。在鎮累年。寬簡使民。屬邑令有以罪黜縣胥者。僚佐以爲令不先白。是輕主師也。請詰其罪。審琦曰。五代以來。諸鎮暴橫。令宰

之職不振久矣。能斥黜吏，是可賞也。聞者歎服。在官歲得租課量入而用，未常橫斂。卒贈瑯琊郡王子承衍尚昭慶公主。

符彥卿字冠侯，宛丘人。父存審，後唐節度使，封秦王。五代史有傳。彥卿初仕莊宗於太原，郭從謙之亂，左右皆去。惟彥卿與王全斌力射殺數十人。莊宗遇害，慟哭久之。天成中大破契丹於喜山，至晉領同州節度。兄彥饒以滑臺叛，上表乞歸田里。晉釋不問。契丹寇河朔，彥卿駐澶淵。高行周被圍於鐵丘，諸將相顧

無敢當其鋒。彥卿獨以數百騎奮擊，虜遂遁。行周獲免。開運二年，契丹十餘萬衆圍晉師於陽城，城中無水。人馬多渴死。會大風揚塵，彥卿遂與張彥澤、皇甫遇謀乘勢決戰，虜敗。戎主乘橐駝而遁，車帳兵械悉為彥卿所獲。及德光入汴，召而責之。彥卿曰：「臣事晉主，不敢愛死。今日惟命。」德光笑而釋之。即遣歸鎮武寧。方徐宋閒，盜賊蠡起。彥卿至埽橋，遇賊李仁恕，擁衆數萬攻徐州。彥卿至城下，賊控馬首請同入城。彥卿之子昭序自城中遣人大呼曰：「相公助賊何也？」城

不可入賊之計不行相率拜馬前而去漢祖得天下  
封彥卿魏國公至周封衛王加太傅改魏王宋興加  
太師開寶三年引疾納節鉞退居洛下八年閒乘小  
駟游佛寺名園人服其曠達性不飲酒謙恭待士對  
賓客清談終日不及世務為將有謀善戰所得俸賜  
皆分給士卒故人樂為用卒年七十六周世宗皇后  
及太宗皇后皆其女也周恭帝及太祖兩朝俱賜詔  
不名虜自陽城之敗畏不敢呼其名馬不飲齧則叱  
之曰此豈有符王邪虜主北歸其母問人曰符王安

在對曰鎮彭門曰符王不來何其失策之甚其為契  
丹所憚如此

原本將下有字樂下脫為字

王全斌太原人父在唐為岢嵐軍使私畜武士莊宗  
疑而召懼不敢行全斌曰上疑有異志矣若以全斌  
為質則釋矣父如其言全斌因得隸莊宗帳下歷晉  
漢閒積官至節度觀察畱後宋興除節度使平蜀民  
訟其培克貶畱後開寶未復領節制卒年六十九凡  
貶黜十年怡然自得性輕財故士卒樂為之用曾孫  
凱字勝之其祖審鈞全斌子也審鈞以擊賊而死其



子遂徙居京兆家富於財凱日散施結客與少年馳獵南山下或踰月不歸民有訟其踐田苗者收至府寇準守京兆見而奇之乃言於朝廷以全斌平蜀之功而審鈞復死於忠義當錄其後遂除凱三班奉職累擢閤門祗候鎮定邢趙都巡檢使元昊反徙監麟州兵以功遷至節度觀察留後馬軍副指揮使卒年六十六贈節度使諡莊恪子緘彭處仁大方處厚鎮特偉初凱九年在河外數以少擊衆有功因明鑄論奏乃加進擢

李謙浦字德明太原人少通左氏春秋仕晉爲西頭供奉官至周任刺史常監晉州兵以偏帥屢挫太原而屠城掠地錄功爲多隰州闕守晉帥楊廷璋請謙浦權領州事至隰濬城隍嚴兵備未旬日而并人至方盛暑謙浦服絺綌搖羽扇引二小吏登城徐步并人望之勒兵不敢動因以敢死士百數夜縋城與廷璋軍銜枚薄賊營破之逐北數十里斬首千餘級建隆初改慈州刺史久之詔與孫建進沈繼深王睿進兵太原略地謙浦爲畫出入進退策衆不能用及班

師又謂曰。今退兵。彼必來乘我。宜整衆爲備。諸將亦不答。而爲并人所襲。狼狽奔走。獨謙浦兵成列。并人遂卻。復移隰州刺史。築保安平。同等寨。敵人十年不敢犯境。有招收將劉進。勇力絕人。屢以少擊衆。并人惡之。潛爲蠟丸書。佯遺道上。晉帥趙贊得之。以聞。太祖詔謙浦械進闕下。謙浦言。并人反。閒欲我殺之也。臣願以血屬保其無它。太祖爲釋進。賜金帛。開寶中。召爲濟州團練使。會邊將失律。復詔還莅隰州。其後以疾至京。卒。年六十二。子允正。允則。謙浦慷慨重然。

諾。所賜優厚。皆分遺將士。故爲其所用者。莫不盡力。允正。字修已。頗讀書。居官嚴毅。多行殺戮。官至河州團練使。卒。允正常質其居。太宗召謂曰。汝父二十年守邊。止有一第。何故質之。曰。妹適陳王。貧無以具禮耳。詔爲償值。而還其第。縉紳多賦詩美之。

允則。字垂範。以父任爲濟州衙內指揮使。謙浦卒。任左班殿直。少以才略聞。太平興國七年。初置靜戎軍。權場。特命允則領之。自是屢奉使諸路。知潭滄雄鎮。潞州。而雄州常再莅焉。除寧州防禦使。卒。年七十六。

子中和中吉中謹初允則在閤門凡下諸路宣敕真宗必付允則視審而後行京師諸河水門及鄭州水禮皆淳化中允則所開治湖南民歲輸絹謂之地稅絹又屋每閒出絹一丈三尺謂之屋稅絹始戶給一牛歲輸米四斛牛斃猶輸謂之枯骨稅皆馬氏暴斂之餘允則治潭州悉奏除之湖湘山田民不耕墾允則下令給諸軍芻皆輸粟藁由是山田遂無遺利潭州舊分兵戍邵州允則謂蠻不擾而益戍兵是長邊患也亦遂奏罷初至滄州葺營壘多開井泉言者以

○惠○政○

爲擾未幾北寇圍城近郊老幼皆入城保而水不乏又斲冰代砲積成淤泥虜兵遂解真宗召而語之曰頃有言卿擾民者及寇至始見利也王超之敗人心危動允則勸使衰絰向師而哭以解衆忿仍趣整師以進真宗聞而降手詔褒勵雄州權場禁通異貨邏者獲珉玉帶及婦人首飾交易者允則縱之曰此以我無用易彼有用也周世宗始以瓦橋關置州居民惟結茆允則教以陶公私營造皆易爲瓦甃矣又合外舊甕城與大城爲一始創關城焉濬濠起月隄環

此傳敘次  
興利除害  
及守禦謀  
略皆出人  
意表真賢  
將也然非  
得此妙筆  
亦不足以  
傳之

以溝塹增廣閭承翰所修屯田架橋引水作梁構亭  
榭列堤道以通安肅廣信順安軍所以設險者備矣  
舊城樓可望十里以爲斥堠允則曰南北通好安用  
此爲命毀之後乃徙浮圖於北原上所望踰三十里  
將爲新城先建東嶽祠自以黃金百兩爲供器導以  
鼓吹民間競以金銀器獻久之密撤去而捕盜移文  
北界因以護祠爲言興版築城就而虜不知也雄州  
上元舊不放燈允則結綵山聚優樂縱民夜遊諜知  
虜人欲觀燈乃率同僚會城北俄有衣紫胡人至出

未段數語  
總束包括  
簡嚴最有  
精彩

○奇○甚○妙○甚○  
妓女列侍延之傳舍劇飲而罷密使縱所乘騾遁去  
卽幽州統軍也後數日聞爲虜主所誅矣常宴兵而  
甲仗庫火終宴不救後真宗問其故曰兵械警火甚  
嚴當宴而燔姦人欲以計見動若捨宴救火其誰不  
它窺測也真宗善之景德以後國信往還儀制及所  
費用皆其所裁定智識開敏處事審當其方略施設  
雖游觀亭傳莫不有所寓也

原本斷冰訛作以水極作趨復作以新城  
訛作親戰諜誅並作諜亭下脫傳字

賀惟忠沂州人初隸周世宗藩邸召補供奉官不辭  
而去世宗怒及卽位不復用宋興擢儀鸞副使知易

州以功就遷本州刺史知書曉兵。灑灑士卒能得其心。乘障用兵。所向無敵。在易州十餘年。契丹不敢南牧。及卒。以其子昭慶爲供奉官。

姚內斌。平州人。少事北虜。周顯德末。世宗北征。太祖將兵至瓦橋關。內斌爲關使。開門請降。世宗以爲汝州刺史。乾德中。改命慶州。十餘年。戎不敢犯塞。稱之爲虎。卒年六十四。

董遵誨。范陽人。有方略。善御夷狄。守通遠軍十餘年。蕃漢悅附。

王彥昇。字光烈。本蜀人。後唐平蜀。徙居洛陽。顯德末。以散員指揮使。從太祖北伐。至陳橋。以軍中擁戴。而還。彥昇先入。殺韓通。太祖怒之。出爲唐州刺史。久之。徙原州防禦使。卒年五十八。彥昇殘忍。在原州。戎人有犯漢法者。會賓客。則引而前。以手捽其耳。對衆大嚼。沃以卮酒。前後虜中有無耳者。皆彥昇所殘也。故竝塞數年。戎人畏之。無犬吠之警。

趙贊。字元輔。幽薊人。父延壽。尚後唐明宗公主。五代史有傳。贊七歲。應神童。明宗賜童子及第。附長興春。

榜。五。壽。守。上。黨。并。其。父。德。鈞。皆。陷。虜。中。贊。獨。與。母。在。洛。陽。晉。祖。由。魯。援。立。命。贊。奉。母。北。歸。贊。在。晉。末。受。虜。偽。河。中。節。度。使。虜。北。歸。得。畱。鎮。河。中。漢。祖。起。晉。陽。贊。因。勸。進。改。京。兆。尹。周。世。宗。征。淮。南。畱。贊。與。諸。將。圍。壽。陽。諸。將。皆。敗。贊。獨。有。功。及。移。軍。天。掃。片。瓦。無。棄。者。淮。南。平。贊。功。居。多。乾。德。初。授。晉。州。刺。史。兼。建。隆。軍。節。度。使。太。宗。卽。位。來。朝。而。卒。贈。侍。中。贊。喜。讀。書。接。人。有。禮。才。長。於。御。衆。所。至。吏。民。畏。服。

李漢超字顯忠雲中人仕周至殿前都虞候宋興累

齊州愛之  
關南訟之  
豈前後殊  
轍和抑風  
土之淳薄  
異也  
湯云太祖  
于此事得  
情得理有  
思有感御  
將如此可  
諷盡善不  
許所費用  
以養士无  
為強兵之  
要未可以

遷至齊州防禦使關南兵馬都監有善政齊人愛之  
詣闕求立碑太祖命徐鉉為文賜之刻石太平興國  
間除觀察使卒贈忠武軍節度使檢校太傅漢超知  
人疾苦善撫士卒死之日軍中皆殞涕初在關南人  
有訟漢超強取其女為妾及貸而不償者太祖召而  
問之曰汝女可適何人曰農家也又問漢超未至關  
南契丹如何曰歲苦侵暴日今復爾邪曰否曰漢超  
朕之貴臣也為其妾不猶愈於農婦乎使漢超不守  
關南尚能保汝家之所有乎責而遣之密使諭漢超

後來之弱  
歸咎于柄  
酒釋兵權  
也

陰平集 卷十一  
曰。亟。還。其。女。并。所。負。朕。姑。貫。汝。慎。勿。復。為。也。不。足。於。用。何。不。以。告。朕。邪。齊。棣。監。酒。之。利。數。倍。他。郡。何。繼。筠。在。棣。漢。超。蒞。齊。皆。得。用。以。養。士。而。朝。廷。不。計。其。所。費。楊。美。字。仲。和。太。原。人。仕。周。至。刺。史。建。隆。初。為。北。海。軍。使。乾。德。初。征。蜀。召。委。以。軍。政。民。詣。公。車。乞。畱。者。數。百。人。詔。遣。還。不。從。答。其。為。首。者。始。去。其。治。尚。簡。易。民。愛。之。如。此。蒞。軍。亦。為。衆。所。服。任。氣。好。施。俸。賜。悉。以。賙。親。舊。官。至。節。度。使。死。之。日。家。無。餘。財。

郭廷謂字信臣其先彭城人唐末居淮甸父全義為

江南觀察使廷謂初有氣槩頗讀書父卒監濠州兵  
周世宗征淮破紫金山之衆至渦口夾築壘為浮梁  
扼濠壽廷謂率水軍犯之世宗又命武行德率師屯  
定遠以逼濠州廷謂襲敗行德李景遂擢廷謂本州  
團練使及世宗攻濠勢已危蹙累詔招諭廷謂曰世  
受江南大恩不敢輕去就願聽稟命金陵世宗許之  
及使還廷謂望金陵大慟再拜然後以城降世宗曰  
江南諸將惟卿斷渦口橋破定遠寨足以報李景祿  
矣濠上使李景自守亦何能為乃授以亳州防禦使

復帥濠兵攻降天長在亳有政績乾德初改絳州防禦使蜀平以觀察使知梓州民便其政卒年五十四  
廷謂有士君子之風

原本廷俱訛作延

李懷忠涿郡人始事太祖爲牙校以功累擢至大同軍節度使太祖洛京郊祀愛其山川形勢有遷都意莫敢言者懷忠乘閒曰汴都歲漕江淮米四五百萬解贍軍數十萬計帑藏重兵在焉陛下遽欲都此誰與其處邪上悟亟還京懷忠太平興國中卒  
郭進澧州人少傭作有膂力多結豪俠飲博人有欲

殺之者富人婦竺氏陰告之乃之晉陽漢祖畱帳下北寇屠安陽漢祖遣進拒戰虜敗走以功除刺史及德光盜據汴京復北歸進請以奇兵閒道入洛州因定河北諸郡仕周改登州刺史郡多寇盜進悉爲翦除吏民願紀其事詔近臣撰文賜之改刺衛州河朔盜匪汲郡山閒者稍衆閒出攘奪久不能滅進往攻勦絕民以安居改洛州團練使郡人誦其善政建隆初遷防禦使久之除雲州觀察使訪竺氏已死得其女撫養以適富民時劉繼元據并門未下以進兼西



論太祖之任郭進既出且久又厚其養上之資未段總敘諸鎮見其知人善任駕馭有方故能收備邊之效也

山巡檢二十年不易其任進聽訟善以鉤距得其情軍政嚴肅戰無不克太祖遣戍西山必戒之曰汝謹奉法我猶赦汝郭進殺汝矣以郡之租賦聽其養士卒有司不復會其出入其待之如此太宗征太原命進控石嶺關北虜來援晉進擊敗之并人氣喪既而為田欽祚所誣進剛忿不能辨乃自經而死欽祚偽以暴疾聞上深悼之進喜賜人急所至有遺愛在洛州植柳種荷芟徧城中外其後郡民見之有垂涕者太祖刻五季之弊開億世之業明於知人任將有術

付郭進以邢州李謙浦以隰州俾制太原何繼筠以滄景賀惟忠以易州李漢超以關南俾控北虜授姚內斌以慶州董遵誨以通遠軍王彥昇以原州俾禦西寇不易其任皆廿餘年待之以不疑斬之以遠効來朝賜食殿坐遣之則賜予加等擢何繼筠以節制必示以懋功之賞餘不過沿邊巡檢欲激其進取之心故二十年間邊無事者非適然也

必示原本作示必

末魯主犯闕行德陷虜中僞請自効因遣送將校數十輩護所取尚方鎧甲還胡中至河陰行德謂衆曰我與若等能爲異域鬼邪辭氣慷慨涕泗橫集衆素服其威名皆曰惟命遂攻孟州城走其僞節度使崔延勳悉府庫分諸校而權領州事遣弟行友詣太原勸進漢祖喜因來河陽依行德行德以兵翼至京師漢有天下授河陽三城節度使加平章事至周加侍中行河南尹時鹽禁入城者死有抱關卒捕一鬻蔬嫗至庭行德詰之嫗曰入城有浮圖取筭中蔬視而

不售俄與卒同捕繫鹽非嫗所有也行德訊得証狀皆戮之都人畏服以爲神明建隆初收忠武軍節制開府儀同三司進太傅卒

原本輩作自儀下脫同字

開執難同三同幾太軒卒

元本重亦自錄于別同字

昔遷之濟人異風以爲輻則我劉忠友軍濟時  
不書與卒同能藥盤非歐。河亦也亦盤盾皆

